




~~Mad 82~~

97 Widderichius, Th

18-12-87






3  
h  
011  
9



Ein Evangelisch  
vnd Cathetisch

**Gespräch ei-  
nes Predigers vnd**

Pfarrkinds / welchs mit nutz vnd  
frucht begert zum Abendmal  
des H. Erren zugehn.



**Beschrieben durch M.**

CASPARVM Lutz Teutsche Pfarr-  
herren vñ Superintendenten  
zu Montpelgarten.

**Getruckt zu Montpelgarten  
bey Jacob Foillet / 1588.**

M d 82

3  
K 2 f 1


*[Faint, illegible text, likely bleed-through from the reverse side of the page. The text is arranged in several lines within a decorative border.]*



**D**em Ehrn  
uesten Hochgelerten/  
Ehrenhafften vnd fürnemmen:  
Adamo Schnurmio baider rech-  
ten Licenciaten Fürstlichem Wür-  
temberg : Kellern zu Weyl der  
Statt/ Vnd Joachimo Lincken/  
des Closters Hernalbs Ampts-  
flecken Mercklingen Schulthais-  
sen/ meinen insonders günsti-  
gen Herzen vnd guten  
Freunden.




**G**ünstige liebe Her-  
ren vnd Freund. Es haben  
grosse Herze im brauch / dz sie nit

A ij




jederman / sonder allain die zugehörige in ire häuser zu tisch lassen. Darum̄ sie dan̄ auch ire Portner / Thorwechter vnd Salmaister habē / welche fleissig auffsehen / was für Leut omb essens zeit eingehn / vnd sich zu Tisch setzen. Gleicher massen hat auch der Herz Himmels vnd der Erden / Christus / seine Wächter vnd Prediger / denen achtung zugebē gebürt / damit nit ein jeder sich zu seinem tisch eintringe. Nun kan aber nimmermehr so fleissige auffsehung geschehen / es mengen sich etwann ein / die billicher daruon bleiben solten: dann aintweder verbergen etliche den Wolff mit einem Fuchsbelt / als die Heuchler : oder aber es seindt deren /








deren / so sich eusserlich zum Him  
mels Herzen bekennen / so vil / das  
es ainem oder zwayen der Kirchen  
vnnnd des Haus Christi wächtern  
vnmüglich ist / sie alle zu vbersehē.  
Deshwegen dann ihr Ampt aber  
mals erfordert / das sie mit desto  
fleissigerm ermahnen vnd lehren /  
vnnnd auch da sich die gelegenheit  
gibt / mit schreiben / die Christen  
erinnern / wie dise zu Christi tisch  
sollen gestaffiert sein / so darzu sich  
machen wollen. In betrachtung  
dessen / hab ich diß Gespräch ge  
dichtet / da ich inn meiner Leibes  
schwachheit des Beths abwarten  
müssen / vnd aber wenig darinnen  
ruh vnd schlaff haben können : vnd  
solliches euch meinen Günstigen


A iij





Herren züschreiben wollen / weil  
mir nit zweifelt / es soll desto mehr  
auch bey den Papisten ( deren E.  
E. Herz Licentiate / offt ain hauf-  
fen / als ain trewer Capiteni mit  
sich von weil auß / zu vnns gehn  
Merklungen geführt hat / vnd als  
so mit vnns communiciert ) nutz  
schaffen. Ich hab auch also mein  
alt gemüt / dz es noch vnuerendert  
hiemit bezeugen wöllē / wie ich im  
Gaißt euch stehets beywohne / ob  
wir wol dem Leib nach / von ain-  
ander schaiden haben müssen: vnd  
Ihr / Herz Schulthais neben  
mein lieben Pfahrkindern / mich  
wol offt wider zü euch wünschen /  
dis aber alles G. Ott / vnd seinem  
willen zubefehlen ist : der seines  
gefals





gefallens / vnd der Kirchen zu nutz  
Prediger hin vnd hero beruffet:  
Dem ich vns alle inn seinengnes  
digen vnd Allmechtigen Schutz  
befihle / der wolle auch ob vns /  
wie ain Kluckhen ob ihren Hün-  
len / zu diser trübseligen zeit / Vät-  
terlich halten / Amen.

Datum Montpelgart / Am  
Tag Johannis Baptiste / anno  
M. D. LXXvij.

E. C. Vnd E. Jederzeit  
Gütwilliger.

M. CASPARVS Lutz  
Pfarrherz daselbst.

A iiij

Gespräch

**Alines Pre-**  
**digers vnd Pfahrkin-**  
des / das mit nuß zum Nacht-  
mal gehen will.

Prediger.

**L** Tebes Pfahrkindt / Was  
treibet dich zu Abendmal ?

Pfahrkindt.

Der beuelch Christi / meines  
Herzen / der mir solliches / vnd  
zwar oft zuthun beuohlen hat. In  
dem er gesagt: Nemmet esset / 2c.  
Nemmet trincket / so oft ihr / 2c.  
Vnd weil das Abendmal mich  
seines

seines todes erinnert / ich aber billich  
offt daran dencken solle / gehe  
ich billich auch offt darzu / vñ laß  
mir diß Abendmal nit ein frey  
willig werck sein.

**Prediger.**


Ist dir auch sonders daran ge-  
legē / das du dich recht zum Abent-  
mal schickest?

**Pfahrlind.**

Ja Herz. Dann erstlich ist der  
Herz / so es gestiffet hat / selbs dar-  
bey. Darumb ich billich mit ge-  
bürlicher Ehrentbietung soll hin-  
zügehñ:

Darnach haben die Juden im  
alten Testament das Osterlemb-  
lein mit sonderm gepreng essen  
müssen / das doch nun ain fürbild

A v



war / des Lämblins Gottes / welches ist Christus / vnd im Abendmal sich selbs mit seinem Fleisch vnd Blüt vns / zur Speiß vnnnd trank gibt.

So sagt Paulus / Welcher sich vnwärdig / hie zu disem Tisch eintringe / der esse vnnnd trincke ihm selbs das Gericht.

Pred.

Was soltu dann thun / das du diß Abendmal nit allein niessst / sonder seiner zu deinem Hail auch genießest? Dañ ja ein anders aines dings brauch / ein anders solches brauchs nutz vnd krafft ist?

Pfarf.

Das hab ich offft auß ewern Predigen gehört / vnd sonderlich / das  
ich

ich mich vorhin wol prüffen soll/  
vnd zwar/ob ich im Glauben sei/  
mich erkundigen / das ist / zuse-  
hen/damit ich den rechten wahren  
Glauben habe.

**Prediger:**

Wie kanst du aber bei souil vnd  
mancherley Glauben den rechten  
wahren wissen?

**Pfarrk.**

Auß meinem schlechten vnd  
einfeltigen Catechismo. Dann  
was darinnen begriffen / das hat  
vnfehlbare zeugnuß der stüñ Chri-  
sti/ der da ist die ewige Wahrheit/  
vnd sie seinen Propheten vnd A-  
posteln geoffenbaret hat. Deren  
Schriften aber / ist mein Cate-  
chismus ein furker begriff vnd in-  
halt.

**Pred.**

Pred.

Liebes Pfarckind / ist es dir nit  
zuwider / so wollen wir vns ein we  
nig mit einander besprachen / auß  
disem deinem Catechismo / damit  
ich sehe / ob du ihn auch recht ver  
stehest. Dann es am sagen vnd re  
den nit gnug / wie man auch von  
Nonnen sagt / das sie den Psalter  
wol lesen / ihn aber nit verstehn :

Pfarck.

Mein Herz / mir ist es gar nicht  
zuwider / weil ich doch sonst ein  
nem jeden / der es von mir begert /  
schuldig bin / meines Glaubens  
rechenschafft zugeben : vnd danck  
ich dem lieben Gott / der mich als  
so mit der erkandnuß vn̄ verstand  
meines Christlichen Catechismi  
erleuchtet hat.

Pred.



Pred.

Wolan/ Was ist dann das erst  
Hauptstück deines Catechismi?

Pfarr.

Der heilige Tauff/ der gleich-  
sam ein Thür vnd ein eingang ist  
eines menschen/ der getaufft wird  
in Christi Haus/ welches er in di-  
ser welt hat/ die Christlich Kirch/  
dort aber das ewig leben.

Pred.

Warfür sihestu dann den tauff  
an/ mit welchem auch du getaufft  
bist?

Pfarr.

Ich halt ihn für ein mittel/ dar-  
durch der heilia Geist/ einen/ der  
von natur in sünden empfangen  
vnd geboren/ (inmassen alle Kin-  
der

der auch von Christlichen Eltern  
also inn sünden gezeuget werden )  
von newem gebäre : ihne an Leib  
vnd Seel / von allen seinen sündē  
wäsche : das er nun vor Gott rain  
vnd hailig / von wegen Christi ge  
halten wurde / vnd ein Erb aller  
Himmlichen Gütter sein solle.

Pred.

En lieber / solt es dann so ain  
kressig ding vmb ein wenig Was  
ser sein.

Pfark.

Es ist wol wenig wasser / damit  
das Kind getaufft würd / wann es  
aber nach CHR Isti ordnung ge  
braucht wurdt / so ist es nit mehr  
schlecht / sonder Tauff wasser : vñ  
hat solche sein krafft / sünde hin  
weg



weg zunehmen ( die sonsten der  
gantz Kein nit hat / vnd auch nit  
ein sünd abwesche mag) von Chri  
stl beuelch / vnd verhaiffung / auch  
vom hailigen Geist / den rechten  
Werckmaister darbei.

Pred.

Kainiget vns dan Christi blut  
nicht von sünden ?

Pfarr.

Ja in allweg: Vnd nit allain  
das es vns / da es am Creutz ver  
gossen ist worden / vergebung der  
sündē / verdienet: sond es würcket  
auch solliche heut zu tag inn der  
Kirch krefftig vñ thettig / wie Jo  
hannes vñ Paulus bezeugen.  
Damit wir aber dises Verdiensts  
vñd seiner Würckung thail  
haff






hafftig werden / hat es ihme der  
höchsten Weißheit ( die doch von  
Kindern diser Welt eben deshal-  
ben als thorecht gerechtfertiget  
wurd ) gefallen / disen Tauff als  
einen Werckzeug zuordnen / dar-  
durch wir von allen sünden gerai-  
niget wurden.

Pred.

So dann der Tauff die krafft  
hat / wie bleibt dann inn getauff-  
ten noch sünde vberig ?

Pfarrk.

Der Tauff rainigt wol von sün-  
den / aber nit / das nit sünd mehr  
in getaufften sein solten : Sonder  
das sie ihnen nit sollen zugerech-  
net werden : dann sie haben nun  
Christum als ein hailig Kleid an-  
gezo-




gezogen / das bedeckt vor Gott alle ihre sünd : aber gleichwol gibt Christus den getaufften auch den Heil. Geist / durch welches krafft sie von tag zu tag sich auch selbs / durch ware buß sollen von sünden wesen vnd reinigen / sich nicht mutwillig darein / wie ain schwein nach dem Bad welkē / biß sie dort in der Auferstehung der Todten / der sünden gar ledig werden. Das aber vil in sünden nach dem tauffigen / ist nit des tauffs schuld / als solt sie der nit von selbigen gerainiget haben / sonder ihr eygener mutwil.

Pred.

Sagt dein Catechismus nichts vom Weyhwasser / das villeicht

B



die würckliche Sünden hinweg  
neme?

Pfarf.

Nichts vberal. Dann Christus  
kein anders vnd besonders Weih=  
wasser/sonder allein disen einigen  
Tauff für alle sünden verordnet  
hat. Wie er auch alle sünden/erb  
vnd würckliche abwäschet. Vnd  
ob wol ich seidhero nach meinem  
tauff Sünd gethan/die weder ich  
noch andere dazumal / da wir ge=  
tauft worden sein/gesehen/so hat  
sie doch G. Ott dem alles zugegen  
ist/gesehen / vnd durch den tauff  
hinweg genommen.

Pred.

Wolan / Was ist das ander  
Hauptstück deines Catechismi?

Pfarf.

Pfarf.

Der Chriſtlich vnd Apoftoliſch  
Glaub / der die rechte ware erkant  
nuß von Gott lehret / ohne welche  
kein Menſch kan ſeelig werden.

Pred.

Was lehret dich dann ſollicher  
Glaub von Gott?

Pfarf.

Das dem weſen nach ein Gött  
lich weſen ſey / aber inn ſollichem  
weſen drey vnderſchiedliche Per  
ſonen / deren ein jede / mit einer ſon  
dern gutthat ſich dem menſchli  
chen Geſchlecht zu gutem geoffen  
bart hat.

Pred.

Wie hat ſich dann die erſt geof  
fenbart?

B ij

**Pfarf.**

Durch das geschöpff Himmels  
vnd der Erden: an welchem werck  
sie ihr Vätterlich hertz gegen vns  
menschen wol hat sehen lassen: ja  
noch in dem sehē last/ das sies im-  
merzu erhelt/ regieret / zu nutz son-  
derlich der Frommen / der bösen  
straff aber/ wie dann Fewr / was-  
ser/:c. offt den frommen zu gutem/  
den bösen aber zum vbelsten kom-  
men ist: als das Wasser des roten  
Meers/:c. **Pred.**

Was sagt der Glaub von der  
anderen Person?

**Pfarf.**


Das Gottes eingeborner vnnnd  
ewiger Sohn vō Vatter gesand/  
sey warer Mensch worden: vom  
hei-






heiligen Geist/ im leib der Jung-  
fraw Marie empfangen: vnd von  
ir geboren: haisse Jesus Christus:  
sey also in seiner person warer vn-  
zertrennter Gott vnd Mensch.

Pred.



Sagt diser Glaub nit mehr von  
Christo? Pfark.




Ja eben vil vnd gnug: dann er  
ist der einig anfang mittel vnd  
end vnser der Christen zeitlichen  
vnd ewigen Wolsart. Meldet sein  
ampt was diser Christus vns men-  
schen zuhail auff erden verrichtet  
hab.

Pred.


Lieber was dann?



Pfark.



Er ist nicht allein Mensch wor-  
den/ sonder hat auch vnser Sünd

B iij






mit seinem leyden vnd sterben ge-  
büßt: durch sein tod / den Tod v-  
berwunden: mit seiner begrebnuß  
die Greber zu Schlaffkammern ge-  
weicht: durch sein heelfart / die heel  
zerbrochen: durch sein vrfend / die  
Gräber geöffnet: allen denen die  
es mit rechtem lebendigem Glau-  
ben annemmen: sich dessen allein  
trösten: vnd jm darfür danckbar  
sein.

Pred.

Es sagen aber dise Artickel des  
Glaubens noch mehr vñ Christo?

Pfark.

Ja Herz: vnd darinnen steckt der  
Christe sonderer trost. Wie nemb-  
lich jr Herz Christus / nach dem vn-  
ser erlösung volbracht / sich dises  
irdischen vñ ellenden lebens verzi-  
gen: zu seinē Vatter gehn Hünuel




gefahren: vnd auch vns dē Himmēl  
geöffnet / vñ ewige seeligkeit berai-  
tet hab. Wie auch ebē diser Chri-  
stus / nach dem er auff Erden  
Knechts gestalt getragen / sich sei-  
ner herzlichkeit geuuffert / zur rech-  
ten Gottes sey erhöcht worden /  
Vnd ob er wol jetziger zeit nicht  
sichtbar bei seinē Christē / so werde  
er doch einmal widerumb sichtbar  
zu inē komē / sie auß allem ellend  
erlösen: ire feind allerdingz vertil-  
gen / sie aber ewig selig machen.

Pred.

Lieber / wie verstehst du aber das  
sizen Christi zur rechten Gottes ?  
Pfarf.

Nit wie es die Maler malē / oder  
wie jrdischer weise einer dē andern

B iij



zur rechten sitzt. Dann weil Gott ein Geist ist / weder Fleisch noch Bein / also auch weder rechte noch lincke hat / kan ihme auch Christus nicht also an der rechten sitzen. Gleich wie aber Gottes rechte ist / sein krafft / macht / herzlichheit / mit vnd durch welche er alles schafft / was er will im Himmel vnd auff Erden : vnd die Schrifte gleichnuß weiß von Gott redet / als einem Menschen (dann sein Sohn solt eynmal Mensch werden) also ist auch Christi sitzen zur rechten Gottes / das nun Christus gleicher krafft macht / mit Gott seinem Vatter alles regiert thut. Wie auch sonstn sitzen regieren haisset.

Pred.

So




So wurd Christus gleiches ge  
walts mit seinem Vatter sein?

Pfark.

Ja. Dañ das habt jr mir mehr  
malen auß der Schrifft erwisen:  
vnd zwar/ das zu diser herlichkeit  
sey erhaben worden vnser Flaisch  
vnd blut/ vnnd Christus/ nit als  
Gott (dann als Gott war er vor  
hin der höchst) sonder als mensch  
vns ellenden Menschen/ in allen  
jamer/ vnnd wider vnser starcke  
Feind zu trost. Das nun wir Chri  
sten ain solchen bruder haben/ der  
alles weiß/ alles vermag vn kan:  
Allen Creaturen zugegen ist/ son  
derlich seiner Gemein / Summa  
in ihme vnd seinem Leib/ die gan  
ze fülle der Gottheit wohnet/ vnd

B v



disen Christū / also von Gott vber  
alle Engel erhöcht / soll ihm kein  
Christ von solchē stul herab reissen  
lassen: wie vil zuthun sich (leider)  
vnderstehn / vom Sathan also ge  
tribē: dē es weh thut / dz er ein men  
schen vber sich (der doch der höchst  
Engel war) soll erhöcht sehen.

Pred.

Was reden dise Artickel von der  
dritten Person?

Pfarrk.

Das sie sey der H. Geist / warer  
Gott: vnd samble hie Christo ain  
Christliche kirch / heilige sie durchs  
Predigampt vñ Sacramentē: vñ  
ob wol dise Kirch (od' beruffne Ge  
main des Herrn) in der Welt hin  
vnd hero zerstrewet / wie sie dann



an

an kein gewisz ort gebunden ist / vñ  
Catholisch haist / weil sie allent-  
halben / so habē doch die gleubige  
darnā alle Gütter Christi gemein:  
sonderlich dē Schatz / darinnen alle  
schätz verborgē: vergebung der sün-  
den : darnach Auferstehung des  
Fleisches / vnd ewigs leben.


Pred.

Sagt aber dein Catechismus  
nichts von d' Catholischen Kirch /  
irem haupt / vñ dem glaubē an ire  
sakungen? Pfar.

Die Kirch so hentigs tags Ca-  
tholisch haisset / hat wol dē namē /  
aber sie ist nit Catholisch : sonder  
Kakolisch : nit Christi / sonder des  
Antichrists / den sie auch für ihr  
Haupt erkent: darumb auch nit an  
ihre



ire sakungē zuglaubē: daß sie sind  
dem wort der Propheten/ Christi  
vnd der Apostel zuwider: an wel-  
ches allein die Kirch Christi mit  
Glauben gebunden ist: nit als an  
ein Wort der Menschen / sonder  
Christi des Sohns G. Vttes / der  
das einig haupt seiner Kirchen ist:  
vnd allein sein stimm will gehört  
werden: vnd keines anderen. Vñ  
das der Apostel Artickel ( die sie  
dann also sollen zusammen gefast  
haben ) geglaubt werdē / geschicht  
sollichs nicht vmb ihrent / sonder  
vmb des Worts wegen / dessen die  
jenige vnfelbare zeugnuß haben:  
Wie dann die Apostel dessen alles  
von Christo sind vnderwisen wor-  
den / vnd es hernach als trewe zeu-  
gen /





gen/vnd zum grund vnfers glaus-  
bens haben auffzeichnen sollen.

Pred.

Was ist das dritte Hauptstück  
deines Catechismi?

Pfarf.

Diß/ so mich lehrt betten: vnd  
allein **G D T** den Vatter an-  
ruffen.

Pred.

Wie? Ruffest du dann in deinem  
Gebett/ nit auch Christum / vnd  
den heiligen Geist an?

Pfarf.

Ja in allweg. Vnd hat Chris-  
tus mit dem wörtlin Vatter we-  
der sich noch den heiligen Geist/  
vom gebet auß/ sonder viel mehr  
einschliessen wollen: wie sie dann  
auch vätterlich gegen vns gesinnet  
sind.




seind. Dañ Christus ist vnser mit-  
ler / Fürsprech / durch welchen wir  
ein zugang zum Vatter haben:  
der Hailig Geist / gibt vnns den  
Glauben / vñ rechte seuffhen / das  
wir schreyen köndten: Abba lieber  
Vatter: Es schleust aber Christus  
hiemit die hailigen vom anbetten  
aus / wie man sie dann nit / sonder  
allein Gott den Vatter anbeten  
solle.

Pred.

Soll man dann die Heiligen  
Gottes nicht ehren.

Pfark.

Ja / Aber also wie es Gott ha-  
ben will / ja sie selbs begere haben:  
Nun haben sie die ehr des anbet-  
tens nie haben wollen: weder die  
Apo=



Apostel noch die Engel: Dann  
sie haben wol gewußt / das Gott  
allein gebürt dise ehr vnd herzlich  
keit: als der vnser aller Herz ist/  
vnd wir Burger seines Reichs  
sind: Der auch zuhelffen vermag  
vñ Allmechtig ist/aber ein anders  
wollen sie von vns haben: das wir  
ihnen im Glauben an Christum/  
vnd schönen / darauß fliessenden  
Tugenden nachvolgen: gedultig  
mit Christo leyden/2c. Sollen al-  
so die hailigen vns hohe liechter  
mit ihrem Glauben / vnd ihren  
guten wercken sein.

Pred.

Was bittestu dann von Gott?

Pfarf.

Gaistlich vnd leibliche / jrdisehe

vnd

vnd Himmlische Güter: wie ich  
dann sollicher meiner Seel vnd  
leib zu gutem hie vnd dort bedarff.  
Wie aber die Seel den Leib fürzu-  
ziehen ist: also bitt ich sonderlich  
von Gott der Seelen güter: die  
leibliche aber bitt ich von G D T  
nach seinem willen / vnd nach dem  
sie mir gut an der Seel / vnd irem  
hail nit hinderlich sein. Ich bitt  
auch vmb erlösung vom vbel / des-  
sen die ganze Welt voll ist.

Pred.

Wittest du aber allein für dich?

Pfark.

Nein. Sonder für vns. Wie  
wir dann alle nur einen Vater  
im Himmel haben. Vnd also brü-  
der vnd Schwestern sein. Deshal-  
ben

ben billich eins für das ander bit-  
ten / vnd keins auff sich allein se-  
hen solle.

Pred.

Bettest du aber auff das Vat-  
ter vnser auch das Aue Maria?

Pfarf.

Nein. Dann es ist kein gebett/  
sonder nur ein gruß / den auch al-  
lein der Engel nach Gottes be-  
felch hat verrichten sollen: darnach  
hat sie wol Gott vor andern wei-  
bern begnadet / das sie sein Sohn  
geboren: darumb auch ehrlich von  
ihr soll gehalten werden: das sie a-  
ber voller gnaden sein solte / vnd  
andern mittheilen künden / dises  
kan nicht von ihr / soll aber von  
Christo gesagt werden / von dem

E



wir Gnad vmb Gnad empfa-  
hen.

**Pred.**

Bistu aber auch dessen gewis/  
das dein gebett erhört werde?

**Pfarr.**

Ja: Darumb sage ich Amen/  
das ist souil als Ja: vnd da gleich  
mein Gebett nicht allwegen nach  
meinem willen erhört wirdt/ son-  
derlich in begerung leiblichen gü-  
ter: So wurd es doch zu meinem  
hail vnnnd ewiger wolffahrt erhö-  
ret.

**Pred.**

Was ist das vierte Hauptstuck  
deines Catechismi?

**Pfarr.**

Die zehen Gebott Gottes/wel-  
che G. Ott selbs dem Moysi auff  
dem

dem Berg / vnd durch ihn als sei-  
nen Diener / seinem Volck gege-  
ben hat.


Pred.

Wie hat sie aber Gott gegeben?

Pfarf.

Er hat sie in zwei Tafel abge-  
theilt: deren die Erst drey gebott  
hat / vnd vns lehren sollen / wie  
wir vns gegen ihme mit herten/  
mund / vnd eusserlichen wercken  
erzeigen sollen. Die ander Tafel  
begreiffet sieben andere Gebott / die  
vns vnderweisen / wie wir vns ge-  
gen den Menschen / die aintweder  
vber vns gesetzt / oder vns gleich  
sein / halten sollen. So hat sie  
auch G D T also geben / das sie  
nit nur eusserlichs grobes vnrecht /

E ij



welches auch die welt für vnrecht  
helt/ vnd weltliche gebott straffen  
sonder auch die böse gelüsten vnd  
gedancken des herzens verbieten/  
die sonst als zoll frey gehalten  
werden.

Pred.

Heltest du sie aber auch also?


Pfarr.

Laiden nein. Dann meine ge-  
dancken nur böß sein von jugendt  
auff: die werck aber an jnen selbs/  
sind vnuolkommen: vnd thu ich  
ein gutes / so thu ich andere arge  
dargegen.

Pred.

Es verflucht aber das Geseß al-  
le die/ so nicht thun was darinnen  
geschrieben stehet?

Pfarr.






**Pfarf.**

War ist es : vnd müst auch ich  
verflucht sein / Wann sich nicht  
Christus vmb meinet vndd aller  
menschen willen vnder das gesez  
gethan : vndd es mit seinem voll-  
kommenen gehorsam / vnd vnschul-  
digem leyden erfüllet het. Weil  
ich nun diß vestiglich glaube / vnd  
Christi gehorsam mein gehorsam  
sein solle : Ich auch Friden haben  
solle / weil die straff auff ihme gele-  
gen / so kan mich das gesez nicht  
verfluchen.

**Pred.**



Weil aber wir das gesez nicht  
vollkommenlich halten können / lie-  
ber warumb hat es dann Gott ge-  
geben?

E iij



**Pfark.**

Nit ohn wichtige vrsach. Dañ  
erstlich ist es ein Spiegel zart / der  
vns zeigt an die sündig art / in vn-  
serm Flaisch verborzen / vnd sehen  
wir darin / was sünd vor Gott ist /  
dañ sonsten die Welt von der sünd  
nit recht vrtheilt / sond sie ringere /  
auch offft für Tugend helt. Dar-  
nach ist das Gesez den widerge-  
bornen ain regel / richtige Richt-  
schnur / darnach sie leben sollen.  
Dann ob sie wol das Gsaz nicht  
vollkommen halten / sonder stäts  
betten müssen : vergib vns vnser  
schuld / so will doch Gott von ih-  
nen ein Kindlichen gehorsam ha-  
ben / aber nit deren wercken die sie  
ihnen selbs auß guter andacht erz-  
dich-



dichten / sonder seiner gebotten.  
Vber das soll das Gsch den rohs  
losen in diser Welt gleichsam ain  
Kerckher sein / der sie gefangē hal  
te / dz sie nit jres gefallens vn̄ mut  
willens / sonder nach Gottes wil  
len leben / wöllen sie anders nicht  
zeitlicher vnd ewiger straff vnder  
worffen sein.




Pred.

So werden die Christen vil we  
niger jres gefallens lebē dörffen?

Pred.

Freilich / vil weniger: dan̄ ob sie  
wol mit jhren guten wercken / de  
ren sie sich als Kinder G D T  
E S befeissen sollen / weder  
ihre Sünd büßen / noch das  
Ewig Leben verdienen können /

E iiii




(welches allein Christus mit seinem gehorsam vnd leyden verrichtet hat) so ist doch von nöten / das sie ihren glauben durch gute werck sehen lassen: vnd gegen Gott ihr danckbarkeit auch im werck erweisen. Wie Gott auch so getrew / dz ers an ihnen / wann sie nach seinem willen leben / nit will vnbelohnet lassen.





Pred.

Wurd aber Gott nicht auch gedient mit sondern wercken / oder mit Christi rächte / die er im Euan gelio als Werck der vbermaß gegeben?

Pfark.



Das sey ferz von Christo / das er solte ein Gesetz geber gewesen sein /






sein: er war komen vns vom fluch  
des gesezes zuerlösen: vnd es zue-  
füllen: aber kein new Gesak zuge-  
ben. Nach dem aber die Pharisceer  
Moysees gesak verfelschten / hat  
es Christus / nach dem verstand /  
in welchem es vō Gott durch Mo-  
sen gegeben ist worden / heller er-  
klärt: aber gar keine Käht gegeben:  
also / da er dem Jüngling sagte:  
Er solte alles verlassen im nachfol-  
gē / war das kein newer Käht / son-  
der Gottes altes Gebott: du solt  
nit andere Götter neben mir ha-  
ben: das ist / Gott soll man vber  
alles / auch das Gelt lieben / vnd  
ihme volgen / wann gleich alles  
Gelt solte zuuerlassen sein. Was  
fasten / beten / wachens anlanget:

E v



gehören dise werck auch ins gesäk:  
mit andern / von menschen erdich  
ten / wercken / dienet man G<sup>o</sup>tt  
vergebens / Wie Christus sagt.  
Vnd haben die Christen mit den  
wercken Gottes souil zuthun / daß  
sie nit vil merck der vbermaß thun  
werden : es sey dann das sie dise  
thun / vñ jene vnderlassen wolte /  
das dann nit frommen Christen  
zustehet / sonder der Heuchler art  
ist.




Pred.

Wolan. Was sind dann mehr  
für stuck deines Catechismi vor  
handen ?

Pfarf.

Noch zway / von welchen ich  
auch beger mit euch zusprachen /  
damit



damit ich meinen Catechismum  
eben recht verstehe.

Pred.

Was ist dann das fünfft in der  
ordnung?

Pfark.

Das thewre vnd werthe Abend  
mal Jesu Christi/welches sonsten  
das Sacrament des Altars/ oder  
des Leibs vnd Bluts Christi ge-  
nennt wurd.

Pred.

Warumb haist es das Nach-  
mal oder Abendmal?

Pfark.

Weil es Christus zu Abend ge-  
gegē der nacht gestiffet hat/ da er  
solte an sein leyde vñ sterben gehn.  
Darumb auch diß ein groß werck  
sein

sein muß / mit welchem Christus  
eben dazumal umbgegangen.

Pred.

Warumb wird es das Sacra-  
ment genennt des Altars oder des  
Leibs vnd Bluts Christi?

Pfark.

Weil hie mit Brot vnd wein/  
der ware Leib vnd Blut Christi/  
die er zuuor für vns am Altar des  
Creuzes seinem Vatter auffge-  
opffert hat / auff menschlicher ver-  
nunfft vnbegreiffliche vnd mensch-  
licher zung / vnaußsprechliche wei-  
se / in einem Himmlischen vnd  
vber natürlichem Geheimnuß/  
mit einander verainiget / außge-  
theilt werden / vnd zwar auff Er-  
den / da dann diß Nachtmal ge-  
hal-




gehalten wurd. Darumb auch  
diz Sacrament billich *Sacra mente*  
das ist / mit hailigem vnd glau-  
bigem gemüt gefast / aber nicht  
nach der vernunfft soll disputiert  
werden.

**Pred.**

Man zancket aber heut zu tag  
nichts desto weniger eben viel ob  
disem stuck?

**Pfark.**

Es ist laider war / das man ob  
dem / das ein Band der liebe sein  
solte / vil zancket vnd hadert : vnd  
das vns Christo einverleiben solte  
darob ergibt man ainander dem  
Teuffel. Weil ich aber weiß / das  
der böß feind solchen zanck anrich-  
tet / mir vnd andern Christen diz  
edel




edel Kleinot zuuerlaiden / vnnnd  
Christo dem Sohn Gottes sein  
werck vnd stiftung zuuerlestern/  
so laß ich es mir nur desto lieber vñ  
angenemer sein : vnd dancke mei-  
nem Herzen Christo / das ich nun  
souil gelernet hab / was von disem  
stuck recht vnd Christlich zuhal-  
ten ist.

Pred.

Was ist dann dein meinung  
von diesem Stuck Christlicher  
Lehr?

Pfark.


Was ich dauon haltē solle / hat  
Christus selbs mit außtrucklichen  
worten gelehret : vnd ob er wol in  
der nacht geredt / so hat ers doch  
nicht im schlaff / oder einer wein-  
feichten




feichten / sonder mit hohem ernst /  
da er sein leyden vnd den Tod vor  
augen sahe / geredet. Vnd weil er  
ain Testament machen wolte / so  
hat er sie ebē hell vñ lauter gnug /  
damit man sie nicht anders ver-  
stände / gesprochen. Darumb  
auch kein anderer verstand ihnen  
soll angedeutet werden / dann wel-  
chen der dūrzei Buchstab mit sich  
pringet. Innmassen man auch  
keines Menschē Testament (wan  
es bestetiget ist) im wenigstē Buch-  
staben enderet: man wolle dann  
wider Göttlich / Weltlich vnd  
auch natürlich recht handeln.

Pred.

Heltest du aber dafür / das  
man den Leib vnd Blut Christi  
im






im Abendma' auffopffern / ein-  
schliessen / umbtragen / anbetten /  
oder nur vnder ainerlai gestalt diß  
Abendmal empfahen soll?



Psalm.

Wie Christus wölle sein A-  
bendmal gebraucht werden / hat  
er auch deutlich gnug angezeigt  
vnd beuohlen / sein Leib vnd Blut  
nicht auffzuopffern ( dann dieses  
hat er als der hoch Priester am Al-  
tar zu einem mal gethan ) sonder  
zuessen vnd zutrincen / damit wir  
seines opffers vnd verdiensts theil  
hafftig werden. Also hat er auch  
keines einschliessens / umbtragens  
anbettens seines Leibs vnd Bluts  
gedacht / vnd es ein grewliche Ab-  
götterei ist / vor Brot vnd Wein /  
die

III

die





die doch auffer der niessung im Abendmal schlechte Creaturē sein / also niderfallen vnd sie anbetten. Ebenermassen hat Christus nicht allein sein Leib zuessen / sonder auch innsonderheit sein Blut zu trincken / vnd zwar allen Priestern vnd Layen beuohlen / vnd Paulus den Kelch / vnd das Blut Christi darinnen / wol den Comithiern / (dise aber wahren mehrertheils Layen) widerholet hat.

Pred.


Glaubest dann nicht / das brot vnd wein im Abendmal inn den Leib vnd das Blut Christi verwandelt werden / sonderlich weil Christus selbs sagt / das ist mein Leib ?

D



**Pfarf.**

Das wörtlin ist / zeigt hie kein  
verwandlung an / sonder wie Jo-  
hannes mit dem Spruch : Das  
wort ist Fleisch worden / Lehret /  
das nun in Christo zwei Naturen  
sein / vnd dise ohne verwandlung  
ain Person / von zweyen natu-  
ren verainiget machen : Also sey-  
en nun im Abendmal zwei ding  
mit einander verainiget / das  
Brot vnd der Leib Christi : Wein  
vnd das Blut Christi / vnd sey  
disz brot nicht schlecht brot mehr /  
sonder mit Christi Leib verainigt /  
Aber nicht darein verwandelt.  
Vnd ist aber dise verainigung  
nicht Natürlich / auch nicht Per-  
sönlich / ( Darumb auch das brot  
nicht



nicht angebetten wurdet ) sonder  
Sacramentlich / das ist / vber als  
le Natur auff ein sonders / vnnnd  
den Menschen verborgen gehaim  
nuß.


Pred.


So werden wir Christi Leyb  
auch noch nach der Himmelfahrt  
bei vns haben?

Pfarf.

Ja / es liege dann mein Herz  
Christus. Daß aber sey ferz / daß  
er was reden solte / vnnnd nicht  
halten / Nun er inn Worten sei-  
nes Abendmals sagt : Das ist  
MEIN Leib. Redet solliches  
vom Brot / das auff erden im A-  
bendmal außgethanlet wurdet /  
das es sey / Sagt nicht bedeute /


D ij





vnd sey sein Leib / kein anderer /  
Leib / vnd nicht nur seines Leibes  
krafft / sander der leib / den er für  
vns gegeben. Weil nun Christus  
mein Herz warhafftig / glaub ich  
seinen worten. So ist der allmech-  
tig H<sup>E</sup>rz / dem aller Gewalt im  
Himmel vnd auff Erden / vnd  
zwar / als des Menschen Sohn  
gegeben ist / vnd hat er seinen end-  
lichen Leib / mit seiner vnendli-  
chen Person des Sohns Gottes  
vereinigen vnd verschaffen können /  
das er vber vnd wider alle Natur /  
nach G<sup>O</sup>ttes zusagung / von ei-  
ner Jungfrau geboren worden /  
solt er nit verschaffen können / daß  
eben derselbig im Abendmal auß-  
getheilt würde / weil er solches auß-  
trucken =





truckenlich versprochen hat. Vnd  
ligt mir hie gar nicht daran / daß  
ich es nicht sihe / nit greiffe / nicht  
empfinde / Ich hange mit Glau-  
ben an seinem Wort / vnd zweif-  
fele nicht / dann das mir geschehe  
nach seinen Worten : vnd hat mein  
Christus selbs gesagt / daß die see-  
lig seyen / so nicht sehen / vnd doch  
glauben.

Pred.

Liebes Pfarckind / ist es aber e-  
ben so noth / das man Christi leib  
vnd Blut also hie auff Erden im  
Brot vnd Wein einschliesse :

Pfarck.

Wie ich nicht glauben kan vnd  
soll / daß Christi Leib im Himmel  
an ein gewiß ort angebunden sey /

D iij

Also laß ich mir seinen Leib vnnnd  
Blut auch nit ins Brot vnd wein  
einschliessen. Dañ er vil vil zu herz  
lich / dañ das er sich also einschlies  
sen ließ. Ich halte aber laut Chri  
sti verhaiffung / das er ganz vnd  
gar allenthalben bey seiner Chri  
stenheit sey / alles in allem erfülle:  
Im Abendmal aber / gibt er mit  
Brot vnnnd Wein / zuessen vnnnd  
zu trincken seinen wahren Leib /  
vnnnd sein wahres Blut / der son  
sten mit Gottes Sohn veraini  
get / Allenthalben zu gegen ist /  
Aber allein im Abendmal sich zu  
amer Speiß vnnnd Trancck mit  
thailt / mit Brodt vnnnd Wein  
Sacramentlich verainigt / aber  
nit raumlich darin eingeschlossen.  
Pred.


Pred.

Wie issest aber Christi leib / vñ  
trinckest sein Blut im Abendmal?


Pfark.





Weil Christus vñ Brot spricht  
das ist mein Leib / vnd vom Wein  
im Kelch / das ist mein Blut / vñ  
aber dise will gegessen vnd getrun-  
cken werden / vnd sollichs ich mit  
dem mund thu / zweiffle ich nit /  
dann ich empfahe den Leib vñnd  
das blut Christi mit meinē mund:  
doch mit diser maß / das / da ich dz  
Brot vnd den wein in magen laß  
vnd verdawe / vnd also sie natür-  
lich isse vnd trincke / es mit Christi  
leib vñ blut / ob ich sie wol mit dem  
instrument des munds empfahe /

D iiii



weit ein andere gestalt hat: dann  
sie vber natürliche vnd Himmliche  
Ja Göttliche eigenschafften an  
sich haben / lassen sich nit verzeh-  
rē / verendern / sonder endern mich  
vnd machen nun auß mir / der ich  
von wegen der sünden tod / vñ ein  
Kind des Teuffels bin / auch inn  
sünden gelebt habe / ein Kind des  
Lebens / Gottes / vnd daß ich nach  
vnd nach im Geist vñnd eusserli-  
chem wandel verendert wurd. Vñ  
damit ich des Leibs vñnd Bluts  
Christi also genieße / vñnd nit zu  
meinem ewigen verderben empfa-  
he / so sihe ich zu / daß neben dem  
ich sie Mündlich empfahe / ich  
auch sie Geistlich nieße / wie dann  
Christus nicht allein sagt: Nemet  
esset






esst das ist mein leib / sonder da-  
mit wir seines leibs / vnd seines  
verdienstis geniessen / spricht er zu  
mal / für euch gegeben / für euch  
vergossen. Welche wort dann/  
den mund des herzens / (welcher  
ist der Glaub) erfordern / das ich  
vestiglich glauben solle / was Chri-  
stus gethan / gelitten / vnd das er  
sein Leib in den Tod geben / sein  
Blut vergossen / sey mir vnd als  
len Glaubigen zu gutem gesche-  
hen / vnd dessen zu einem gewissen  
zeugnuß / gebe er mir eben solchen  
Leib zur speiß / vnd sein Blut zu  
einem tranck.

Pred.

Lieber. Es hat aber das erst es


D v






sen vnd trincken so ain selkham  
ansehen vnd gedunckt einem ganz  
ungereimet ja gottlos sein / das  
man Christi leib vnd Blut mund  
lich essen solle?

Pfarf.


Haiden / Juden / Türcken / die  
nichts von Christo vnd seinem be-  
velch wissen / ja ihne mit seinem  
Wort verlachen / die dunckt auch  
dis ungereimbt sein. Darumb  
die Handen der Christen gespot-  
tet haben / als die ihren Gott / vñ  
sein Fleisch essen. Also fallen die  
Capernaiter vñ Christo ab / da sie  
hören / das sie sein Fleisch essen  
müssen. Was aber Christen sein /  
die halten ihres Herzen Christi  
stiftung / gehais vnd bevelch / für  
die






die höchste weißheit / vñnd thun  
alles / was er sie haisset / obs gleich  
ihr vernunfft / vñnd die Welt klug  
gen für thöricht / ja gottlos anse  
het. Dann Christus ist die höchste  
weißheit. Vñser vernunfft aber /  
vñnd die aller klugeste in diser welt /  
sind Narren in Göttlichen sachen  
die sie nit verstehn / es sey dan̄ das  
sie von Christo erleuchtet werden.  
Ob dann nun wol des leibs vñnd  
bluts Christi mündlich essen vñnd  
trincken im Abendmal vñser ver  
nunfft vñ die gottlose Spötter für  
vngereimbt ansehen möchte / so  
hat es doch vor den Christen ein  
hoch ansehē / vñnd zweyffeln sie nit  
dan̄ Christus habe eben hieran sein  
höchste weißheit beweisen wollen.

Dann





Dann ja das ein weiser Herz sein  
muß / der vnns sein Leib heisset  
mit dem Mund essen / vnnd ihne  
auch zuessen gibt / obs wol nicht  
auff natürliche vnd empfindliche  
weise zugehet.



Pred.

Was ist aber von nöten / daß  
man hoch heut zu tag streite / vom  
mündtlichen essen vnnd trincken  
des leibs vnd Bluts Christi? Ist  
es nit gnug / wann wir dise Geist-  
lich mit dem Glauben empfahen?



Pfark.

Einem Christen ist sehr hoch  
vonnöhten / daß er seines Herzen  
Christi wort nichts vergebe. Dañ  
er selbs gesagt hat: sein Wort solle  
ihm bleiben / da gleich Himmel  
vnd







Erden vergehn werden. Nun hat  
er aber seinen Leib vnd Blut nicht  
allein gaisstlich zuessen vnd zutrin-  
cken befohlen / wie zu jederzeit / vñ  
allen vnd jeden geschen solle / vnd  
jederman glauben muß / Christus  
hab sein Leib für vns in tod geben  
will man anders seelig werden. Er  
hat aber neben disem Gaisstlichen  
essen / vnd glauben an seinen hin-  
gegegnen Leib / auch ein anders /  
Nemlich mundlich / vnd doch Sa-  
cramentlich / daß ist menschlicher  
vernunfft verborgen vber natür-  
lich ( sovil die weise beläget ) essen  
vnd trincken seines Leibs vnd  
Bluts / in seinem Abendmal mit  
disen Worten geordnet : Nemet  
esset / das ist mein Leib : Nemet  
trincket





trincket das ist mein Blut / vnnnd  
weil er dise wort nit allein dē glau  
bigen Jüngern / sonder auch dem  
gottlosen Judas geredt hat / Zu  
das aber kein glauben hatte / dann  
er gedachte ob dem Tisch / wie er  
bald Christum verrahen wolte /  
so hat ja Christus von einem an  
dern essen vnnnd trincken geredet /  
das auch von Juda geschehen kon  
te. Da dann Judas wol den leib  
vnnnd daß Blut Christi mit dem  
Mund / Aber zu seinem verderben  
empfangen hatte.




Darnach hat Christus in ord  
nung des mündlichē essens vñ trin  
ckens seines leibs vñ bluts / auf vn  
ser noth gesehē. Dan nach dem dz  
Geistlich essen vnd trinckē etwann  
schwerlich geschicht / vñ wir vñ we





gen allerlei widerwertigkeit / vñ an  
fechtungē schwerlich glaubē wöllē  
dz wir von wegē des gecreuzigten  
Christi ein gnedigē Gott habē / da  
mit dises geistlich essen / dz ist / der  
glaub an dē hingegebne leib Chri-  
sti in vns gesterck et werde / vñ wir  
nit vrsach habē an der gnad Got-  
tes durch Christū zu zweiffeln / so  
gibt vns Christus sein Leib / den er  
für vns gebē / dz blut welchs er für  
vns vergossen / als gewisse pfand /  
in vnsern mund ja auch in dz herz  
hinein / vñ ist also disz mündlich es-  
sen jek ein Confortatiue vñ sterckung  
des geistlichens. Zu dē sind wir nit  
allein geistlich / sond' auch leiblich:  
vnd nach dē wir an leib vñ seel mit  
sündē verderbt / auch an beidē ewig  
ver-



verderben vnnnd sterben solten: so hat Christus seines Leibs vnnnd Bluts leiblich vnd mündtlich essen verordnet/dz auch vnser mund sein Leib / doch nicht auff grobe Flaischliche leibliche/ sond' Gaistliche weiß empfahe / damit nit allein die Seel/sonder auch der Leib hie zu ainem Gaistlichen vn̄ Gott wolgefelligem/ vnd dort zum ewigen leben vernewert werde. Wie sich dann glaubige Christen auff das hailig Abendtmal also befinden/ das sie nicht allein im Gaist Gott zu lebē begeren/sonder auch ihres leibs Glider anfahen zu waffen der Gerechtigkeit zubegeben/ das sie nun Gott in hailigen wercken/ vnd auch dem nechsten dienen:





nen : Also solle ihr leib dort auch  
wider von Todten erstehen / vnd  
Christi clarificierten leib / dessen er  
hie im Abendmal offte ist thail-  
hafftig worden / änlich werden /  
vnd ewig leben. Solte dann lieber  
Herz Pfarherr einem Christen nie  
vil am mündtlichen essen vnd trin-  
cken des leibs vnd Bluts Christi  
im Abendmal gelegen sein / da ers  
anderst haben kan / vnnnd ihm sol-  
ches gedeyen mag ?




Pred.

Lieber es gehen aber vil zum H.  
Abendmal / vnnnd findet sich doch  
gemelter früchten keine bei ihnen /  
ja werden offte viel erger hernach  
dann sie zuuor gewesen sein ?

Ⓔ


Pfark.


War ist es / das solliches geschicht. Wie dann auch Judas soltlich Abendmal empfangen hat aber nur desto erger hernach worden ist. Hieran aber ist nicht das hailig Abendmal schuldig / so wenig ein kostlicher Wein ein vrsach ist / das mancher dauon erkündet würd / vñ ein hizig Feber bekommet: oder das ihm einer ein franckheit isset / daran nit die Trachten schuldig sein / sonder weil man sich offte weins vnd der speisen nit zu rechter zeit / vnd mit gebürlicher maß gebrauchet / wurde man vilmals franck daruon / also / weil allein auß gewonheit / vnd dann gleisnerischer Meinung ohne rechte wahre



wahre buß vnd eyffer / vil das H.  
Abendmal empfahe / gereicht  
es inen zu irem gericht. Vnd hat  
Christus gewalt / nach seinem  
freyen willen / leben oder gericht /  
inn welchen er will / mit seinem  
leib zu würcken. Darumb wie er  
durch die niessung seines leibs inn  
Glaubigen sein güte zubeweisen /  
das leben würcket / also hingegen  
würcket er das gericht / in gottlo-  
sen vnd vnglaubigen / das sie sich  
nicht schewen ohn alle Buß / den  
allerhailigsten Leichnam Christi /  
in ihren verfluchten mund vnd  
heuchlerisch herk zunehmen vnd  
erzeigt also hierin sein Gerchtig-  
keit. Eben wie sich die gottlosen  
Gottes worts gebrauchen / solli-

E ij





**S**ches aber ihnen von wegen ihres  
mißbrauchs ein geruch würd/ des  
Todes zum ewigen Tode.

Pred.


Lieber meinst du aber/ du sehest  
ein würdiger gast/ dieses Gnaden-  
reichen Abentmals?

Pfarf.

Ja inn alle weg halte ich mich  
für ein würdigen gast / aber nicht  
vmb meines gelben Haars / oder  
frombkeit willen / sonder weil ich  
mich viler sünden schuldig weiß:  
die beschweren krenckē mich. Weil  
dann Christus diß sein Abendmal  
den sündern gestiftet hat / sie da-  
mit wider die anfechtung der sün-  
den zuerquickē ( dann er gibt inē  
das Blut / das er zur vergebung  
der








der sünden vergossen hat / zweiffle  
ich nicht / daß ich sey auch ein wür-  
diger vnd angemer gast Christi.

So befind ich mich im glauben  
sehr schwach / inn der hoffnung  
vom ewigen leben zaghafft / in der  
liebe gegen dem Nächsten / vnd  
Gott sehr kalt / begere derhalben  
das Christus mir mein Glauben  
stercke / mein hoffnung mehre / die  
liebe einbrünstig mache / durch dis  
sein Abendmal / darzu ers dann ge-  
stiftet hat. Dañ wie kan ich nach  
dessen gebrauch / mehr an d' gnad  
Gottes / vnd ewigem leben zweiff-  
len / da mir doch Christus sein leib  
vnd Blut mit gethailet / mit wel-  
chen er Gott versonet / vnd daß  
ewig leben erworben hat? vnd wie

E iij




wolte ich Gott vnnnd den nechsten  
mit ferners herzhlich liebē / da doch  
Gottes Sohn sein leib für mich /  
der ich sein feindt war / gegeben /  
vnnnd mich damit gespeiset / vnnnd  
mit seinem Blut getrencket hat /  
vnnnd sollichs alles auß herzhlicher  
liebe gegen mir.

Pred.

Damit wir nun an diß Stück  
ain end machen / Was will Chri-  
stus mit disen worten : das thut  
zu meiner gedechtnuß ?

Pfark.

Nicht will er / als solten Brot  
vnnnd wein allein ein denckzeichen  
sein / seines doch abwesenden leibs  
vñ bluts. Dañ also were Christus  
ime zuwider / seitenmal er mit di-  
sen






sen Worten : Nemet esset / das ist  
mein Leib / seines Leibes gegenwärtigkeit vnd niessung stiftet. Das  
aber will er / das wenn wir vnns  
seines H. Abendmals gebrauchē /  
sollen wir daran gedentken / wie  
er sein Leib zu einem versöhn opfer  
für vnser sünd am Creuz habe  
auffhengen / vnd sein Blut ver-  
giessen lassen : Daran sollen wir  
stähts gedentken / ihme dafür lob  
vnd danck sagen / vnd vns dessen  
offt zuerinnern / sollen wir auch  
desto offter sein heilig Abendmal  
vnd darinn sein Leib vnd Blut  
empfangen.

Pred.

Wolan / das wir nun ein end  
an vnser Gespräch machē / was ist

E iiii





das letzte Stuck deines Catechis-  
mi?

**Pfarf.**


Dises so mir vnd allen/ die da  
wollen selig werden/ den Himmel  
auffschliessen muß/ denn wir vns  
selbs mit sünden als schlossen vnd  
riegeln versperzet haben.

**Pred.**

Was sind dann die Schlüssel  
die den Himmel auffschliessen?

**Pfarf.**

Die Predig des H. Euangelij  
von Christo/ wann von ihme ge-  
predigt wirdt/ wie er mit seinem  
Creuz vnd Todt/ als einer Art/  
vns habe den Himmel geöffnet:  
vnd die ban zum Himmel durch  
sein Himmelfart gebrochen: wie  
er sey



er sey die Thür zum Himmel / der  
weg / die Laitter / auff welcher wir  
mit den füßen des glaubens ins e-  
wig leben eingehn.

Pred.

Wem sind aber die Schlüssel  
geben ?


“ Pfarr.

Peter dem Apostel / vnd in ge-  
mein allen Jüngern / Ja Christus  
hat sie der Kirch als seiner lieben  
Gespons vñ Braut angehencket /  
die vertrawets rechtschaffnen tre-  
wen vnd taugenlichen dienern / in  
massen ihr auch durch Gottes ge-  
nad einer seyt.

Pred.

So solte ich dir auch den Him-  
mel auffschliessen können ?

E v



**Pfarr.**


Ja/ vnd hieran zweiffle ich nit  
dann ihr habt dessen bevelch vnd  
ordenlichen beruff empfangē. So  
führen ihr die Schlüssel / wie sie  
Christus zu brauchen befohlē hat/  
daß jr den vnbusfertigen dē Him  
mel zu/ vnd die helle auff/ den bus  
fertigen aber die helle zu vnd den  
Himmel auffschliesset.

**Pred.**

Bist du aber auch der busferti  
gen eines?

**Pfarr.**

Ja durch Gottes gnad. Dann  
im herze empfind ich meine sünd/  
erschreck darab dermassen/ das ich  
leyden möchte / ich hette ihrer nie  
keine gethan. Aber ich tröst mich  
Der




der gnaden Gottes durch Christum seinen Son/der meine sünd gebüßt hat/ vnd für sie alle gnug gethan. Vnd habe auch ein stäh- ten fürsatz ferners nicht mehr so muthwillig zu sündigen / sonder nach Gottes gebotten zuleben.

Pred.


Soltest du aber mir deine sünd nicht in die ohren beichten/ vnd darauff ein sondere busz von mir empfahen?

Pfarr.



Weil ich nicht weiß wie offft ich gesündigtet hab / wie solte ich dan alle meine sünd erzehlen können? vnd habe ich niemals gehört/ daß mir ein rechter Euangelischer Prediger / auß hailiger Schrift be-  
wissen



wisen hette / das Christus die ohrenbeicht bevohlen / oder auch seine Apostel gebraucht hetten. Aber das hab ich vil gehört / wie etwan in gemain / Gott vnd den Menschen ist gebeichtet worden. Wie ich dann mich auch mit meinem Nechsten zuuertragen begere: vnd mich in gemein vor euch vñ Gott / viler vnd grewlicher sünden schuldig gib. Darnach so weiß ich von keiner andern dann Christi Bus / dann diser allein meine sünd gebüßt vnd bezahlet hat / vnd behüte mich Gott dafür / das ich ein anders werck zur abbiessung meiner sünden solte annemen / dan Christi meines Heilands / volkomne werck. Gegen welchen meine  
werck











wereck lauter faat vñ dreck mit eh-  
ren seind. Aber gleichwol Christo  
zu danck leg ich mir ein solche bus  
auff / das ich meinem alten Adam  
nit mehr will sein willen lassen /  
sonder er muß nun Christi willen  
vnderworffen / vnd ihme in glück  
vnd vnglück gehorsam sein.

Pred.




Wolan / hierzu gebe dir Chri-  
stus seinen Heiligen Geist / der in  
dir diß Gut wölle volbringen : vñ  
erhalte dich inn solcher deiner be-  
fanntnuß / die du nit als ein Kind  
sonder in der warheit / als ein vol-  
kommer Mann Gottes / in der er-  
kandtnuß Christi mir gethan hast:  
Er gebe auch andern so sich Chri-  
sten rühmen / diß liecht sollicher  
erkant-





erkandtnuß / das wa sie nicht so-  
uil / dannocht etwas von ihrent  
Herzen Christo vnd Christlichem  
Glauben wissen zusagen / vnd nit  
so stumm seyen. Wie dann ihrer  
vil eben wenig gnug von Christo  
wissen / andere aber / da sonderlich  
ain gefahr dahinder steckt / nichts  
von ihm reden dörrffen / auch etli-  
che den Leuten zu truz vñ laid nit  
was sie von Christo halten offen-  
baren wöllen / sonder meinen es  
sey gnug / dz sies wissen. Beschließ  
lich aber liebes Pfarkindt / weil  
mir nit zweiffelt / du werdest noch  
heumat vñnd morgen frū dich mit  
Gott durch Beicht vnd Gebett /  
vor dem hailigen Abendmal bas  
vnderredē / wie wilt du Gott beich-  
ten vnd betten? Pfarf.



**Pfarf.**

Dessen möchte ich von euch ein  
feine Christliche vnnnd andechtige  
form vnd weiß nemmen.

**Pred.**


Weil hiernon vil gelehrte / fei-  
ne vnd enferige Beicht vnnnd Ge-  
bett / auch dancksagung nach dem  
Abendtmal / in ihrem Bettbüch-  
lein geschrieben haben / vnnnd du  
solliche villericht nicht hast / so habe  
sie hiemit außgezeichnet / vnd bist  
du also nun allerdingis Christlich  
gnug zum Hailigen Abendtmal  
heraus gerüstet. Vnd wün-  
sche dir hiemit den fri-  
den Jesu Chri-  
sti / Amen.

Ein

Ein Beicht vnnnd be-  
kandtnuß der sünden mit dem  
verlohrnen Sohn.


Luc. xv.

**W**EH Barmherziger Gott  
vnnnd güttiger Vatter / ich  
dürfftiger ellender Sünder  
komme zu dir mit dem verlohrnen  
Sohn / in dem hailigen Euange-  
lio / vñ geb mich schuldig vor dir /  
das ich hab gesündigt / wider dich  
Vatter im Himmel / vnd fortan  
nit würdig bin das ich dein Sohn  
vnd Kind soll genennet werden /  
dann ich bin ein sündige Creatur /  
ich hab deine Göttliche gebott nit  
recht mit lust vnd liebe gehalten /  
wie du es von mir habē wilt / dich  
nicht





nicht geliebet von herzen vber als  
les wie du mir Herz gebotten hast:  
die Welt mit ihrer fröud höher ge  
liebet/dann dich meinen Gott vñ  
Herzen/du hast mich meinen nech  
sten haissen lieben als mich selbs.  
Ach Herz dem bin ich feind gewe  
sen / ihm nichts guts gegönnet/  
sonder vbel nach geredt/ neid vnd  
has zu ihm getragen / mich auch  
nicht mit jm in seinem glück erfro  
wet/ oder mit seinem vnglück be  
trübet. Ach mein Gott was böser  
lústen vnd begirden empfinde ich  
in meinem sündlichen herz vnd ge  
müt: als nemlich zu hoffart/ zu eh  
ren/wollust/vnd zur vnkeuschheit  
Ach mein Gott/wie hoch habe ich  
die Menschliche Creaturen gelie-

F



bet/ vnd zu ihr mein hertz vnd ge-  
müt gewendet/ auff sie mein auff-  
sehen vnnnd freud gehabt. Dem  
menschen zugefallen ist mir nichts  
zu schwer vnd groß geweest/ vnnnd  
habe deiner vnd deines Göttliche  
Worts darüber offft vergessen vñ  
nicht wollen zu herten fassen. Ich  
bin vngedultig inn meiner wider-  
wertigkeit / die du doch / o mein  
Gott / mir also auß gnaden gne-  
diglich zu schickst/ mir zu gut. Ich  
bin deinem heiligen leyden/ vnnnd  
der grossen güte vnd gnaden / die  
ich täglich von dir empfahe/ vn-  
danckbar :ach du mein lieber Vat-  
ter aller Barmhertzigkeit/ meiner  
sünden sind vil mehr dan ichs er-  
zelen kan: es ist nichts ganzes noch  
gesun-




gesundes an leib vnd an seel / daß  
da nit mit bösen sündē vermackelt  
mit bösem geneigtem willen vnnnd  
schendlichen wercken / durch mich  
volbracht vnd verunreinet sey :  
vñ ist alles mein lebē nichts guts /  
dañ entel böses vñ arges zuthun /  
aus bösem falschem herzen / dar-  
aus nun volget / das ich bin ein  
Kind des zorns vnnnd der ewigen  
verdammus. Ach lieber Herz vnd  
Gott / dieweil ichs weiß / das dein  
Barmhertzigkeit vil grösser ist /  
dañ alle sündler der ganzen welt /  
vnd hast vns darumb gegeben Je-  
sum Christum deinen liebē Son-  
der vns gegen dir versönet / vnnnd  
genug gehan für alle vnser Sün-  
de. Derowegen o mein Gott / kom

F ij


ich zu dir mit dem verlohrenē Son  
dem du Barmhertzigkeit hast er-  
zeigt / vnd gedultiglich seiner wi-  
derkehrung erwartet / vnd ihn mit  
fröuden auff vnd angenommen /  
vnd gesagt im Euangelio : Diser  
mein Sohn war todt / vnd er ist  
lebendig worden : Er was verloh-  
ren / vnd ist wider funden. Bitte  
derhalben ich dich / o gütiger Vat-  
ter / durch deinen lieben Son Je-  
sum Christum vnsern Herzen / laß  
mich auch hören dise dein fröliche  
stim. Laß mich nit in sünden ster-  
ben / verderben noch verlohre wer-  
den : sonder erzeigt mir gnad vnd  
barmhertzigkeit / vnd hilff mir /  
das ich wider kehre / vnd ein ander  
new lebē ansahe / das dir gefalle /  
vnd







vnd meinem nechsten nutzlich vnd  
besserlich sey. Ich bitte dich auch  
o allerliebster Herz / mehre vns dē  
Glauben / vnd steh vns bei in vn-  
ser letsten not: hilff vns durch dein  
milte gnad / daß wir dem teuffel  
im festen glauben mögen wider-  
stehn / dein Göttlichs wort in vn-  
sere herze fassen / darauff wir vns  
trösten / verlassen vnd frölich wer-  
den / von hinnen zuschaiden / vnd  
bey dir ewiglich zubleiben / dz hilff  
vns du ewiger Gott / als ich dan  
tröstlich zu dir hoffe / das ich vnd  
alle glaubige durch dein bitters ley-  
den / marter vnd tode miterben  
sein des ewigen Reichs. Vnd ob  
ich hette alle sünd der gankē Welt  
gethan / so glaub vñ weiß ich doch


J iij





Das deine barmherzigkeit vil gröf  
ser ist / vnd wilt vns alle seelig ha=  
ben / wie du selber sagst: du sehest  
nicht kotten vmb der Gerechten /  
Sonder vmb der Sünder willen /  
die selig zumachen / vnd durch den  
Propheten Ezechiel: Als war ich  
leb / spricht Gott der Herr / will  
ich nit das der gottlos sündler ster=  
be / Ich habe kein wolgefallen an  
seinem todt / sonder das er bekeh=  
ret werde von seinem weg vnd bö=  
sen leben. Vnnd alle die meinen  
Namen anruffen / die habe ich zu  
meiner ehr vnd herzlichkeit erschaf=  
fen. Auff dise vnd andere deine zu=  
sage habe ich nun genzlich meinen  
trost vnd hoffnung gesetzt / o aller  
gütigster Herr vnd **G D T** / nun  
will ich gern leben vnnd sterben /







wann du wilt / vñnd nach deinem  
Göttlichen willen mich heimsu-  
chen lassen / Amen.

Ein andere Beicht zu Gott.

**G**erechter Gott / Barmherzi-  
ger Vatter / ich armer ellender  
Mensch bekenne / das ich nicht al-  
lein in sünden empfangen vñd ge-  
boren bin / sonder auch die ganze  
zeit meines lebens / von Kindheit  
biß auff dise gegenwürtige stund /  
mit vil schweren sünden ( laider )  
zugebracht habe. Dann ich dich  
meinen Herren vñd Gott nit von  
gankem herzen / von gankzer seel /  
von aller krefften / vñ von gankem  
gemüt geliebet vñd gefürchtet / dir  
auch nit vber alle ding vertramet /


F iij






deinen heiligen Namen nicht von  
herzen angeruffen vñnd gepreiset  
habe / sond' denselbigē mißbraucht  
mit fluchen / schweren / liegen vñd  
triegen : die Predigt deines worts  
hab ich oft verfaumet / verachtet /  
mich gar nit darauß gebessert / vñ  
alles ein red sein lassen. Ich bin  
meinē liebē Eltern vñ der Obri-  
gkeit vñgehorsam gewesen. Auch  
habe ich meinen Nechsten nit ge-  
liebet als mich selbs / sonder in ge-  
hasset / verachtet / belaidigt / scha-  
den gethan / vñd lassen geschehen.  
Bin in worten vñ wercken schand-  
bar vñd vñzüchtig gewesen. In  
meinem gewerb vñd handtierung  
hab ich allerley vorthanls ge-  
braucht / wider die Liebe meines  
Nech-







Knecht / vnd hab gesündigt in den  
Himmel vnd vor dir / bin nicht  
werth / das ich dein Kind haisse /  
vnd meine augen zu dir auffhabe /  
dañ ich dich mit vilen groben sün-  
den hefftig erzürnet / mein arme  
seel vnd gewissen hart beschweret  
habe / welche mich trucken / vnd  
wie ein schwerer last / seind sie mir  
zu schwer worden. So kan ich in  
der zeit der gnaden vnd appellier  
von deiner strengen Gerechtigkeit  
zu deiner grossen Barmhertzigkeit.  
O Herz Gott biß gnedig mir ar-  
men Sünder / vergib mir meine  
Sünd / nim an zur bezahlung der  
selben / den vnschuldigen Tod Je-  
su Christi deines lieben Sohns /  
vnd verleih mir besserung meines  
lebens / Amen.

O ffentz







Öffentliche beicht zu Gott.



**I**ch armer Sünder bekenne mich  
Gott meine Hülflichen Väter/  
das ich laider schwerlich vnd  
manigfalt gesündigt habe / nicht  
allein mit eusserlichen groben sün-  
den / sonder vil mehr mit innerli-  
cher angeborner blindheit / vnglau-  
ben / zweiffelung / Kleinmütigkeit /  
vngedult / hoffart / bösen lüsten /  
geiz / heimlichē neid / haß vñ miß-  
vergüß / auch andern bösen tückē /  
wie dz mein Herz Gott an mir er-  
kenet / vnd ich laider so volkommen-  
lich nit erkennen kan / also rewen sie  
mich / vnd seind mir leid / vñ beger  
von herke gnad von Gott / durch  
seinen lieben Sohn Jesum Chri-  
stum / Amen.



Gebett





Gebett vor dem A-  
bendmal Christi:

Das erst.






**H**ERR Jesu Christe/ich bin  
nit werd/ das ich meinē mund  
auffthū/vñ das hoch würdig Sa-  
crament deines Leibs vnd Bluts  
empfahe/ dann ich bin ein sündi-  
ger Mensch/ du aber bist d' Herz/  
welchen aller Himmel kan begreif-  
fen. Wie soll dann der Mensch so  
äsch vñ staub ist/ würdig sein/ dei-  
nen allerhailigsten Fronleichnam  
vnd dein thewres Blut zugenies-  
sen/ ich waiß fast wol/ vnd bekenn-  
ne / das meiner Sünden vil ist/  
vñ ich daruñ gar ein vnwürdiger  
Gast





Gast zu diser Hümlischen Malzeit bin. Widerumb aber glaub ich von herken / vnd bekenne mit meinem mund / das du mich unwürdigen mit deiner Gnad kanst würdig machen / dann du bist Allmechtig vnd barmhertzig / der du allein vermagst rain vnnnd hailig zumachē / was von vnrainem saamen herkommet / auß den Sündern kanstu gerechte hailige Menschen machen / wañ du auß gnaden vns alle vnser sünd erlassest / vnd vns mit deinem Heil. Geist erneuerst. Derwegen bitt ich dich durch dein Göttliche krafft vnd liebe / verleih gnad / das ich geschickt zu deinem Tisch gehe / vnnnd nit etwann mit unwürdiger niessung mich schuldig

dig



dig mach an deinem Leib vñ blut/  
auff das ich mir nit für das leben  
den tod empfahe. Gib gnad/das  
ich mich einen armen sündler erken  
ne vnd berüffe/ ein rewiges Herz  
vber mein missethat habe/dein ed=  
len zarten leib vñnd thewr werdes  
blut recht vnderseide/meine ver  
nunfft/ sinn vñ wiz deinem wort  
allzeit vnderwerffe/ auch mein le=  
bē durch dein hilff zubessern/ernst  
lich gedencke/ damit ich in disem  
hochwürdigen Sacrament nicht  
allein mit dem mund deinen Leib  
esse vnd dein Blut trincke/ sonder  
auch mit warem glauben dich mei  
nen Hailand vnd Erlöser annem  
me/in mein herz schliesse/vnd al=  
so leben vñnd seligkeit in dir habe.  
Dann






Dann du bist das lebendige brot  
welches vom Himm̄el kompt vñ gibt  
den Menschen das leben. Wer zu  
dir kompt den wurd nit mehr hun  
gern. Wer an dich glaubet / den  
wurd nit mehr dürsten / wer dein  
Flaisch isset vñ dein blut trincket /  
der bleibt in dir / vnd du inn ihm /  
vnd wurd nimmermehr sterben.  
O du süßer Herz / nach dir sehnet  
sich mein Gaist vnd gemüt / wie  
ein Hirsch schreyet nach frischem  
wasser / so schreiet mein seel zu dir.  
Mein Seel dürstet nach G<sup>o</sup>tt /  
nach dē lebendigē Gott / wañ wer  
de ich dahin kom̄en / dz ich Gottes  
angesicht schawe. Erfülle mich  
mit deiner gnaden / der du lebest  
mit dem Vatter vnd Hail. Gaist  
ewiglich / Amen. Ein

Ein anders.


**H**ERR Jesu Christe / ewiger  
Gottes Son / mein Gott vnd  
mein Herz / mein Hailand vnd  
Bruder / mein erlöser vnd selig-  
macher / ich armer ellender mēsch /  
der ich äsch vnd staub bin / vñ ohn  
dich nichts taugē oder kan / komē  
zu dir / als zu dem ich allein mein  
vertrauen vnd zuflucht habe / der  
du für mich den Tod erlitten / vñ  
mich von sünden vnd ewigem ver-  
damnuß erlöset hast / vnd selbs ge-  
sagt: kompt zu mir alle / die jr müß  
selig vnd beladen seind / ich will  
euch erquickē / vnd hast derowe-  
gen in deinem letzten Abendmal  
vns ein ewige gedächtnuß gestiff-  
tet /


tet / vnd ein newen Bund auffge-  
richtet / darinnen wir deinen war-  
hafftigen wesentlichen Leib / vnd  
dein heiliges rosinfarbes Blut /  
empfahen / essen vnd trincken sol-  
len / auff das wir gewisz sein / das  
du in vns / vnd wir in dir sein vnd  
bleiben sollen / vnd niemand vns  
von dir schaidē soll / noch künde /  
weder teufel / sünde / welt / gewalt  
des tods noch helle. **S**ihe ich ar-  
mer ellender Mensch fliehe zu dir /  
vñ stelle mich ein / als ein armer be-  
trübter Bettler / der sich sehnet  
nach dem Himmelbrot / vnd nach  
dem Brunnen aller gnaden vñnd  
barmhertzigkeit / vñ bitte dich von  
grund meines hertzens / du wöllest  
mich rainigen vnd abweschen von

**G**



allen meinen sünden / bekañt vnd  
vnbekandt / vnd mein leib vnd seel  
durch dein leib vnd blut dir verei-  
nigen vnd erquickē / vnd mich in  
der zahl deren sein lassen / die da  
würdiglich deinen allerhailigsten  
leib / vñnd dein thewres Blut / zu  
ihrer seeligkeit empfahen. Tröste  
mich Herz / stercke mich Herz / meh-  
re meinen glauben / vberwinde die  
anfechtung / die mich belaidigen /  
erhalt mich inn rechtem glauben /  
in warem trost / in rechter gedult /  
inn warer demut vñnd lebendiger  
hoffnung des ewigen lebens. Nimm  
von mir alles / was mich wendet  
von dir / vñnd gib mich ganz aigen  
dir / vñnd laß mich dein sein vñnd  
bleiben in rechtem glauben vñnd  
gu=






gutem gewissen / von nun an / bis  
an mein letstes seuffzen / vnd her-  
nach in alle ewigkeit / dich sampt  
dem Vatter vnd heiligem Geist  
loben / rühmen / ehren vnd preisen  
Amen.



Herz Jesu Christe / Amen.

Darauff will ich nun deinen  
allerhailigsten Leichnam / vñ dein  
thewres Blut / zu sterckung mei-  
nes schwachen Glaubens / vnd  
zu erquickung meiner armen seel /  
vnd zur versicherung der auff-  
stehung meines sündhaff-  
tigen leibs frölich em-  
pfahen. **G**ott sey  
mir armē sünd-  
er gnedig.

**G** ij




**So du jekund hin**  
zu gehn wilt.






**D** Mein Gott / mein helffer / bes-  
schirmer vnd beraiter / in dich  
hab ich mein hoffnung vnd ver-  
trawen gesetzt. Darauff will ich  
auch niessen vnd empfahen den  
leib vnd das blut meines erlösers  
Jesu Christi / inn dem mir zuge-  
sagt ist / vergebung vñ abweschüg  
aller meiner sünden / vñ das mein  
glaub dardurch vernewert vnd  
gestereket werde / vnd ich mit jme  
verainigt / vnd seinem Gaißtliche  
leib / als ein lebendiges Glied ein-  
geleibt bleibe vnd verharze bis inn  
mein ende / Amen.

**D Herz**










**O** Herz Jesu Christe / ich bin  
nit würdig / das du eingehest inn  
mein sündigs hertz / du weist aber  
vnd erkennest mein grosse armut  
vnd notturfft / Darumb ich von  
herzen begere / mit deiner gegen-  
wärtigkeit zu speisen / zu trösten /  
zu stercken mein arme seel. Sprich  
sie an mit einem wort / so würd sie  
gesund / Amen.


**H**er Jesu Christe / dein Haili-  
ger warer Fronleichnam / der für  
mich gelitten hat den bitteren tod /  
vnd der thewre schatz deines haili-  
gen unschuldigen Bluts / damit  
ich erkaufft vnd erlöset bin / auch  
für mich vergossen ist / zur abwä-  
schung aller meiner sünden / der  
wölle mich jekunder speisen erneh



ren/ bewahren/ vnnnd führen ins  
ewig leben / vnnnd mir vergebung  
aller meiner sünden mitthailen/  
Amen.



Herz Jesu Christe du ewiges  
wort des Vatters / du Hailandt  
der ganken Welt / du wahrer le-  
bendiger Gott vnd mensch/ erlöse  
vns durch disen deinen H. Fron-  
leichnam / vnnnd kostbar thewres  
Blut/ von allen sünden: verschaf-  
fe/ das wie der würger sich nit zu  
den Heusern der Kinder Israel  
genachtet / vil weniger ihnen ge-  
schadet / wann derselben pfoften  
mit dem blut des Lämmlins bespren-  
get gewesen sein: Also von wegen  
deines/ des rechten Gottes Läm-  
lins/ thewren Bluts/ damit mein  
herz





herz besprenget werden solle / alle  
Geistliche feind / kein macht zu  
mir haben / sonder mich frey pas-  
sieren lassen : hilff das ich deine  
Gebott thū zu allerzeit / vnd von  
dir inn ewigkeit nicht gescheiden  
werde / Amen.

## Dancksagung nach dem Abendmal.

**D** Allmechtiger ewiger Gott vnd  
Vatter / ich sage dir lob vñ danck /  
dz du mich vnwürdigen vn armen  
sünder gespeiset hast / mit dem leib  
vñ Blut deines liebē ben Sons /  
vnseres Herzē Jesu Christi / vñ bite  
dich / dz mir diß Sacramēt nit sey  
ein beschuldigung zur pein / sond  
ein hailssam mittel zur Gnaden:

G iiii





sey mir ein starcke waffen des glau-  
bens / ein schilt eines gute willens  
ein außkehrung meiner sünden: sei  
auch ein mehrung vnd wachung  
einer rechten liebe gegen dir vnd  
dem Nechsten / der gedult im creuz  
vnd tugendtsamen lebens in glück  
vnd wolffahrt : darzu ein starcke  
maur vnd beschirmung wider alle  
meine Feinde / das ich auch dir al-  
lein anhangen / vnd mein leben in  
dir beschliesse. Ich bitte dich füh-  
re mich vnwürdigen sündler dero-  
malen ainst zum Hünlichen wol-  
leben / da du bist bei deinen lieben  
Auserwölten ein wahres Liecht /  
ain vollkomne settigung / vnd ein  
ewige fröud / Amen.


Ein




Ein andere.

**I**ch dancke dir Herz Jesu Chri-  
ste du Laim Gottes / das du dich  
selbst am Stamm des H. Creu-  
kes deinem lieben Vatter / zu ei-  
nem süßen geruch für vnseresünd  
auff geopffert hast / damit aller  
zorn vnd vnwillen wider vns auff  
gehoben würde / des zur ewigen  
erinnerung hastu dis hailige Sa-  
crament eingesezt / vnd vns darin  
deinen warhafftigen leib zu essen /  
vnd dein wahres Blut zutrinken  
beuohlen vnd gesprochen : solches  
thut so offft ihrs thut / zu meinem  
gedechtnuß / das ist / so offft wir vō  
disem brot essen / vnnnd von disem  
Kelch trincken / sollen wir deinen


G v



**T**od verkündigen vnnnd erzehlen  
was du vns damit außgerichtet/  
vnnnd erworben hast/ nemlich ver-  
gebung der sünden / leben vnd se-  
ligkeit. Ich bitte dich durch dein  
hailig bitter leyden vnnnd sterben/  
hilff das ich zum offtermalen mit  
herzlicher andacht würdig zu di-  
sem Sacrament gehe/ vnd innig-  
lich betrachte/ was vnd wie vil du  
an mich gewendet hast / wie sawr  
es dir worden ist mich zuerlösen/  
vnnnd welch ein vnaußsprechliche  
lieb du an mir beweiset hast / auff  
das ich hindurch widerumb erwe-  
cket / dir mit mund vñ herzen alle  
zeit dafür dancke / dich auß allen  
meinen krefftten vnd vermögen wi-  
der liebe/ in deinē gebottē vnsträf-  
lich wandle. Ach wa ich etwann



wurde strauchlē / dz ich mich doch  
bald wider zu dir kehre / mich dises  
newen ewig wehrenden bundes vō  
herzen tröste. Verleih mir auch  
gnad / das ich durch diß H. Sacra  
ment dir eingeleibt / ein fleisch vñ  
Blut mit dir werde / alles zeitli  
ches in diser welt verachte / mehr  
auf dich vnd dz hiñliche sehe / dir  
im creuz mit gedult nachfolge / vñ  
stāts nach dem dz drobē im Hiñel  
ist / trachte / auff das ich dir meinē  
einigen Haupt mit vestem glaubē  
als dein glied / vnabgesōndert an  
hange. Zu dem weil diß Sacra  
ment vns alle gegen einander mit  
brüderlicher liebe vnd trew verbin  
det / deñ gleich wie zu einem Brot  
vil Kerner / vñnd zu einem Wein  
vil



vil beer kommen / also sollen auch  
vns in dir ein Gaistliche Leib  
sein / darumb hilff / das souil vn-  
ser eines Brots vnd eines Kelchs  
thailhafftig sind worden / wir vns  
auch als warhafftige deine Glie-  
der / vntereinander lieben / vñ vor  
allen dingen ablegen allen zorn /  
has vnd neid / vnd jederman von  
herzen grund verzeihē / gleich wie  
du vns vergebē hast / auff das wir  
an jenem tag mit dir vnserem  
Breutigam eingehn zur  
ewigen Malzeit in  
dein Reich /  
Amen.


Danck=



# Dancksagung nach


dem Abendtmal.

**A**llmechtiger ewiger G. G. G.  
wir sagen deiner Göttliche mit  
te lob vnd danck / das du vns mit  
dem hailfamen Fleisch vñ Blut/  
deines einigen Sons Jesu Chri-  
sti vnfers Herzen gespeiset vnd ge-  
trencket hast: vñ bitten dich de-  
mütiglich / du wöllest durch dei-  
nen heil. G. G. G. in vns würcken/  
wie wir das H. Sacrament mit  
dem Mund haben empfangen / dz  
wir auch also dein Göttlich gnad  
vergebung der Sünden / vereini-  
gung mit Christo / vnd ewiges Le-  
ben / welches alles du vns inn di-  
sem deinem hailigen Sacrament  
so gne




so gnediglich angeboten hast / mit  
vestem Glauben begreiffen / vnnnd  
ewiglich behalten mögen /  
durch vnsern Herzen  
Jesum Christum /  
Amen.


Allein Gott die Ehr.














Farbkarte #13

B.I.G.



angelisch  
thehetisch

zäch ei-  
igers vnn

elchs mit nuß vnd  
zum Abendmal  
ren zügehñ.

en durch M.

uß Teutsche Pfar  
uperintendenten  
ntpelgarten.

Montpelgarten  
Foillet/ 1588.

M d 82

3  
h  
04  
9

3

2-fog

